

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### INGURUMEN ETA HIRIGINTZA SAILA

**204/2020 Foru Agindua, irailaren 9koa, hasierako onespena ematen diona ondoko proiektuaren interes publikoa adierazteko espedienteari: Aldaia mendiko komunikazio dorrea, Eturako 3 poligonoko 50 zk.ko lurzatian, Barrundiako udalerriko lurzoru ez urbanizagarrian kokatua, ordezteko proiektua, Itelazpi SAK sustatua**

2020ko uztailaren 20an, Arabako Foru Aldundiaren Erregistro Orokorrean sartu da Barrundiako Udaleko idazkariak igorritako komunikazio bat, zeinean ondoko hau adierazten baita:

Itelazpi SA Eusko Jaurlaritzaren telekomunikazio sozietate publikoak 2019ko otsailaren 25ean obra lizentzia eskaera aurkeztu zion Barrundiako Udalari, Aldaia mendiko komunikazio dorrea, udalerriko horretako lurzoru ez urbanizagarrian, Etura herriko 3 poligonoko 50 zk.ko lurzatian kokatua, ordezteko.

Eskaeran jasota dago Itelazpik kudeatzen duela komunikazio dorre hori, zeinak zerbitzu hauek ematen baititu: TDT lurreko telebista digitalaren zabalkundea, 112 larrialdi zerbitzuentzako (anbulantziak, Ertzaintza, suhiltzaileak etab.) garrantzi handieneko komunikazioak eta telefonia mugikorreko eragileen beste komunikazio batzuk (3G, 4G eta 5G) Barrundiako herrietako biztanleentzat (Ozeta, Ermua, Etura eta Larrea). Adierazten du oraingo dorrea, 19 metro garaia, bere esfortzu kargaren mugaren gainetik dagoela eta, horregatik, 40 metroko dorre batez ordezteko proiektu ontzat emana aurkeztu du.

Udalbatzak, 2019ko urriaren 10ean egindako bilkuran, erabaki du ezestea Aldaia mendiko komunikazio azpiegituraren onura publikoa edo gizarte interesa adierazteko prozedurari hasiera emateko Itelazpi SAK egindako eskaera, eta sozietateari eskatu dio beharrezko dokumentazioa aurkez dezala, egiten duen jardura legezatzeko. Ezeste erabaki horren aurka Itelazpi SAK berraztertze errekurtsoa aurkeztu du, dokumentazioa eta espedientean jasotako alegazioak aurkeztuz, eta aurtengo ekainaren 15ean Barrundiako Udalak erabaki du errekurtso hori bere osoan baiestea eta baieztatu txostena ematea aurkeztutako eskaeraz, hura izapidetuz Arabako Foru Aldundiaren Ingurumen eta Hirigintza Sailean.

Komunikazio dorrea dagoen lursaila ES2110016 Aldaia Mendiak izeneko KBEn barruan dago. Espedientean jasota dago Natura Ondarearen Zerbitzuak 2019ko abuztuaren 1ean emandako baieztatu txostena, bertan jasotzen diren prebentzio eta zuzentze neurriak betetzeko baldintzapean.

Udalak bidalitako dokumentazioan agertzen da, halaber, Itelazpik azpiegitura proiektu bat aurkeztu duela dorrearen garaiera 40 metrotik 30 metrora murrizten duena, antena euskarriaren egituraren ziurtagiri bat eta komunikazio zentroaren igorpen erradioelektrikoei buruzko neurriak aurkeztu dituela, eta instalazioak 2017ko azaroko jardura lizentzia duela.

Barrundiako Udalak hartutako erabakiaren edukia kontuan hartuz, izapidetu behar da proiektuaren interes publikoaren adierazpena, Eusko Legebiltzarraren ekainaren 30eko 2/2006 Legeak (Lurzoruari eta Hirigintzari buruzkoa) 28.5.a) artikuluan xedatutakoa betetzeko.

Indarrean dauden udalerriko plangintzako arau subsidiarioetan xedatutakoarekin bat etorritik, 3 poligonoko 50 zk.ko lurzatia, non baitago komunikazio dorrea, "2 zona. Basoak Babesteko Zona" bezala kalifikatutako lurzoru urbanizaezinean dago eta, 201. artikuluan ("Zona bakoitzean baimendutako erabilerak eta jarduerak") ezarritakoaren arabera, zona horretan baimenduta daude "onura publikoko eta gizarte intereseko eraikuntzak, instalazioak eta azpiegiturak,

baso ingurunean kokatu behar direnak egiten dituzten jarduerak halakoak direlako ezen lur hartzaileari ezinbestean loturik egon behar baitira zientzia, topografia, basogintza nahiz energia arrazoiengatik edo antzeko beste edozeinengatik”

#### OINARRI JURIDIKOAK

Lehenengoa. Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 5eko 324/2019 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Bat etorrituz Lurzoruari eta Hirigintzari buruzko 2/2006 Legeak 28.5.a) artikuluan ezarritakoarekin, lurzoru urbanizaezinean egin daitezke “ondoren zehazten diren zuzkidurak, ekipamenduak eta jarduerak ezartzea beste helbururik ez duten jarduketak: alde batetik, arlo jakin bateko legeriak –aplikatzekoa denak– edo lurraldearen plangintzak interes publikokotzat jo dituenak, eta bestetik, kasu jakinetan, dagokion foru-aldundiak interes publikokotzat jo dituenak; bigarren hori, 20 egunez jendaurrean edukitzeko tramitea bete ondoren, ebazpen baten bidez egingo du”

Bigarrena. Aztertutako kasuan, hasierako onespina izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan eskumenez baliatuz,

#### XEDATZEN DUT

Lehenengoa. Hasierako onespina ematea ondoko proiektua interes publikoa adierazteko espedienteari: Aldaia mendiko komunikazio dorrea, Etura herriko 3 poligonoko 50 zk.ko lurzatian, Barrundiako udalerriko lurzoru ez urbanizagarrian kokatua, ordezteko proiektua, Itelazpi SAK sustatua eta udal horrek izapidetua.

Bigarrena. Espedientea jendaurrean jartzea, hogeitun egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamendu eta Hirigintza Zerbitzuan azter dezakete espedientea.

Hirugarrena. Foru agindu hau kualifikatu gabeko izapide egintza bat da eta haren aurka ez dago errekurtsua jartzerik.

Vitoria-Gasteiz, 2020ko irailaren 9a

*Ingurumen eta Hirigintza Saileko foru diputatua*  
JOSEAN GALERA CARRILLO